

**KALIKATA LITTLE MAGAZINE LIBRARY-O-GABESHANA KENDRA**  
**18/M TAMER LANE, KOLKATA-700009**

Record No. : KLMLGK 2007/	Place of Publication : <i>শ্রীহরী, ২০২ গাবেশানা কেন্দ্র</i>
Collection : KLMLGK	Publisher : <i>শ্রীহরী</i>
Title : <i>কবিতা</i> (KAVITA)	Size : 5.5" x 8.5"
Vol. & Number : <i>12/2</i> <i>15/2</i> <i>15/3</i> <i>17/2</i> <i>18/2</i>	Year of Publication : <i>Dec 1946</i> <i>March 1950</i> <i>(জানুয়ারি ১৯৫১)</i> <i>Dec 1952</i> <i>Feb 1954</i>
	Condition : Brittle <input checked="" type="checkbox"/> / Good <input checked="" type="checkbox"/>
Editor : <i>শ্রীহরী</i>	Remarks :

C.D. Roll No. : KLMLGK

# কর্কট

চৈত্র ১৩৫৬



চীনে কবিতার অনুবাদ ও আলোচনা

বুদ্ধদেব বসু

কবিতা

জীবনানন্দ দাশ, সঞ্জয় ভট্টাচার্য, বিষ্ণু দে, বিশ্ব বন্দ্যোপাধ্যায়,  
রাজলক্ষ্মী দেবী, নরেশ গুহ, মৃগালকান্তি, প্রমোদ  
মুখোপাধ্যায়, প্রবোধচন্দ্র পাল, শঙ্খ ঘোষ, মণীন্দ্র রায়,

NOEL SCOTT

সমালোচনা

বৃ. ব.

পত্র

নিরুপম চট্টোপাধ্যায়

বার্ষিক চার টাকা



প্রতি সংখ্যা এক টাকা

সম্পাদক : বুদ্ধদেব বসু

## কবিতা

পুরোনো সংখ্যা

পরিবর্তিত তালিকা

১৩৪৪	পৌষ, চৈত্র
১৩৪৫	আষাঢ়, চৈত্র
১৩৪৬	আশ্বিন
১৩৪৮	আশ্বিন, কাতিক, চৈত্র
১৩৪৯	আশ্বিন, পৌষ
১৩৫০	আষাঢ়, আশ্বিন, পৌষ
১৩৫১	আশ্বিন, চৈত্র
১৩৫২	আষাঢ়

প্রতি সংখ্যা এক টাকা

সবগুলি একসঙ্গে ২৫% কম

[ মাস্তুল স্বতন্ত্র ]

সম্পূর্ণ সেট

একাদশ বর্ষ	৩
দ্বাদশ বর্ষ	৪
ত্রয়োদশ বর্ষ	৪
চতুর্দশ বর্ষ	৪
একাদশ ও দ্বাদশ একসঙ্গে	৫
একাদশ, দ্বাদশ ও ত্রয়োদশ একসঙ্গে	৮
চার বছর একসঙ্গে	১০

কবিতাভবন : ২০২ রাসবিহারী এন্টিনিউ, কলকাতা ২৯

প্রতিভা বসু-র গল্প ও উপন্যাস

সুমিত্রার অপয্যত্ন

৪

মনোলীনা

২৥০

বিচিত্র হৃদয়

২

সেতুবন্ধ

২৥০

অপরূপা

১০

## বৈশাখী

কবিতাভবনের বার্ষিকী

গল্প উপন্যাস কবিতা

প্রবন্ধ আলোচনা ছবি

বাংলার শ্রেষ্ঠ লেখক ও শিল্পীদের রচনা		
দ্বিতীয় খণ্ড	১৩৫০	২
তৃতীয় খণ্ড	১৩৫১	২
চতুর্থ খণ্ড	১৩৫২	২
পঞ্চম খণ্ড	১৩৫৩	১৥০
চার খণ্ড একসঙ্গে		৬



# কবিতা

পঞ্চদশ বর্ষ, দ্বিতীয় সংখ্যা চৈত্র ১৩৫৬ ক্রমিক সংখ্যা ৬৪

## চীনে কবিতা

আবার পিতৃব্য রাজগ্রন্থাগারিক ইউন-এর বিদায়-ভোজে

আহা সেই যৌবনের দিন দিয়েছি ছড়িয়ে উড়িয়ে।

কত হাসি কত গান,

বন্ধুহলে সুশ্রী মুখের জাঁক। আজ হঠাৎ

ফুরোলো গান বৃড়ে হলাম বৃষ্টি না বৃষ্টি না।

তবু ফিরে আসে বসন্ত, দেখে মন ভরে আনন্দে।

এখনই, বন্ধু, যাবে ?

এসো তবে এই একটু সময় হালকা ওড়াই

সুখের হাওয়ায়। বাইরে চলে।

মুকুল ধরেছে প্রামের ডালে, ডাকছে পাখি,

আনো সুরা, আনো গান।

বিকেলের আলো পাহাড়ের পায়ে লুটোয়,

এসো আর-একটু বেড়াই।

একটু পরেই কেউ আর নেই, অন্ধকার। বাঁশের ঝাড়

কী-চুপচাপ।

রাত কত হ'লো, এবার দরজা বন্ধ করো।

লি পো (৭০১-৬২)

## পাহাড়ি পথ

সরু পথ বেয়ে পাহাড়ে উঠলাম,  
পাথরে পা কাটলো।  
খামলাম না, মন্দিরে চলছি।  
পৌছতে দেরি হ'লো।  
সন্ধ্যা তখন, অন্ধকারে বাহুড় নড়ছে,  
মণ্ডপের ঠাণ্ডায় গা জুড়োলো।  
সেখানে ফুল ফুটেছে টগর, মস্ত কলাপাতা হাওয়ায় ছলছে—  
আহা, রুষ্টি-ভেজা।  
ভিতরে আঁকা আছেন তথাগত, এসো দেখবে,  
ব'লে পুষ্কণ্ডীকুর সঙ্গে চললেন আমার,  
আলো এনে তুলে ধরলেন দেয়ালে—  
আশ্চর্য ছবি।  
মাছুর ঝেড়ে দিলেন নিজের হাতে, আনলেন খাবার,  
লাল চালের মোটা ভাত, অড়র ডাল, সঙ্গত ছান।  
খিদে মিটলো।  
রাত হ'লো, শুয়ে-শুয়ে একটি পোকার ডাকও আর শুনি না  
চাঁদ এলো আমার ঘরে, শাস্ত, স্তম্ভর।  
ভোর হ'তেই বেরিয়ে পড়েছি আবার, ঘুরতে-ঘুরতে  
পথের ভুল হ'লো,  
এই লুকোই, এই বেরোই, ওঠা-নামার ঘোরপ্যাঁচ  
ফুরায় না।  
এদিকে ঘন কুয়াশায়  
বেগনি রং ধরলো পাহাড়ে, ছড়িয়ে গেলো সবুজ,  
আকাশ থেকে বন্যার জলে ঝলমল।  
চলেছি পাইনবন পেরিয়ে,

হঠাৎ ওকগাছের ধার ঘেঁষে—প্রকাণ্ড, দশ জোয়ান  
বেড় পায় না—  
নামছি বন্যার খরস্রোতে কঁকর মাড়িয়ে,  
হাওয়ায় গান ওঠে ছলছল...ছলছল।  
চলো,  
কাপড় ভেজে ভিজুক,  
মিলাক আরো দূরে শহর,  
প'ড়ে থাক পিছনে আমার আপন দেশ, আমার পুঁথিপত্র,  
রাজার কাছে দরবার।  
কাজ কিছু শেষ হয়নি, না-ই বা হ'লো,  
আমার বাছা-বাছা তুখোড় ছাত্ররা ব'সে থাকবে—  
ক-দিন আর থাকবে।  
আমি বৃড়ে হয়েছি, আমার এখানেই ভালো।

হান ইউ (৭৬৮—৮২৪)

## চাঁদের উৎসবে

(দেব-ডেপুটি চাং-কে)

মেঘ স'রে গেলো, ছায়াপথ মিলায়,  
হাওয়ার ধার বেঁটিয়ে নিলো আকাশ, চাঁদের চেউ ফুলে  
উঠলো,  
বালি মস্তুর, জল শাস্ত, শব্দ নেই, ছায়া নেই জ্যোছনায়।  
এসো বন্ধু, এই নাও সুরা, আজ তোমার গান শুনবো।  
তুমি গান ধরলে—কিন্তু কেমন গান? কান্নার মতো,  
আমার ছুঁতে-ছাপিয়ে গেলো শুনতে-শুনতে।

'ভূ-ভিৎ হ্রদ যেখানে আকাশে মেশে  
 নয়-সংশয় উঁচু পাহাড়ের চূড়ায়,  
 যেখানে ড্যাগন, হাওর উঠছে, ডুবছে,  
 ডাকছে বানর, কাঁদছে উড়োশেয়াল।  
 ধুকধুক বুকে আকড়ে প্রাণ  
 চাকরিতে আমি পৌঁছলাম,  
 সঙ্গহীন, শব্দহীন  
 লুকিয়ে যেন পালিয়ে আছি।  
 বিছানা ছেড়ে উঠতে ভয়, সাপের ভয়,  
 খাবারে মেশা বিষের ভয়,  
 হ্রদের হাওয়ার রোগের বীজ,  
 নিশ্বাসে ছর্গন্ধ তার।...  
 কাল শুনলেম জেলাম হাকিম  
 রটিয়ে দিলেন ঢাক পিটিয়ে  
 রাজহের বদল হ'লো ;  
 সিংহাসনে নতুন এক  
 সম্রাটের আমল শুরু।  
 লম্বা ক্ষমার ইস্তাহার  
 ছুটছে রোজ চারশো মাইল,  
 মৃত্যু যাদের দণ্ড, সবাই  
 মুক্তি পেলো, নির্বাসিত  
 ফিরলো ঘরে, চুনোপুঁটির  
 ফিরলো কপাল, বেহুঁশ যুবখোয়ের দল  
 এক কলমে বাতিল—  
 সজ্জনের নাম উঠলো দপ্তরে।  
 আমার নামও পাঠিয়েছিলেন বড়ো হাকিম,

লাটসাহেব কানেও সেটা নিলেন না,  
 উণ্টে আমার বদলি ক'রে দিলেন এই  
 জংলি পাচা মফস্বলে।  
 চাকরি আমার একেবারে নিচু ধাপের,  
 কী বা হবে নাম ক'রে—  
 কোনদিন না শুনি আমার শান্তি হ'লো  
 চৌরাস্তায় পঁচিশ বেত।  
 আমার সঙ্গে ঘর-তাড়ানো আর যারা  
 ফিরছে এবার একে-একে,  
 সে-পথে পা ফেলার আশা  
 অসম্ভব স্বর্ণ আমার,  
 অসম্ভব, অসম্ভব।'

...দোহাই, গান থামাও, আমার গান শোনো এবার,  
 অস্থ গান, ভিন্ন স্বর—আকাশের গান শুনতে পাও না ?

'মাঝে-মাঝে চাঁদ যদিও আসে  
 এমন চাঁদ কি ফিরবে ?  
 কে জানে আবার কেবে বসন্ত  
 এই সৈকতে ভিড়বে।  
 যদি ঠেলে দাও আজকের সুরা  
 কাল কি ভরবে পেয়ালা,  
 কাঁদলে কি আর ভাগ্য ভুলবে,  
 চলবে সে তার খেয়ালে।'

হান ইউ

## পাহাড় চড়ার স্বপ্ন

বুক ফুলিয়ে পাহাড়ে চড়ি আমি,  
 বেরিয়ে পড়ি লম্বা লাঠি হাতে একলা।  
 হাজার চূড়া, অসংখ্য উপত্যকা,  
 একটি বাকি থাকলো না, সব ঘুরে-ঘুরে দেখলাম।  
 ক্লান্তি নেই, জিরোতে হয় না একবার,  
 জোয়ান পা, নিশ্বাসে যৌবন।  
 ...সব স্বপ্ন, রোজ রাতে এই স্বপ্ন দেখি।

কিন্তু কেমন করে?

মন যখন স্মৃতির পথে পিছনে ফেরে  
 শরীরেও যৌবন আসে আবার?  
 শরীর কি মনেরই তবে ছায়া?  
 তাহলে কেন শরীর ভেঙে পাত হলেও মনের তেজ  
 ফুরোতে চায় না?

না, ছোটোই মায়া।

স্বপ্ন মিথ্যে, বাস্তবও সত্য না।

ছাখো-না দিনে আমার খরখর করে পা কাঁপে,  
 আবার রাত্রি ভরে লাফিয়ে বেড়াই পাহাড়ে।  
 এদিকে দিন যত, রাত্রিও ততক্ষণ,  
 তাই দিনে আমার যত লোকশান, রাতে ঠিক ততটাই  
 আমার লাভ।

পো চু-ই (১১২—৮৪৬)

## গাছ ছাঁটা

ঠিক আমার জানলাটারই সামনে দেখি  
 গাছের সারি উঁচু হ'লো, পল্লবে পূরন্ত ডাল,  
 হায় দূরের পাহাড় তাতে আড়াল—  
 ফাঁকে-ফাঁকে বিলিক দিয়েই লুকোয়।  
 সেদিন আমি কুড়োল নিয়ে বেরোলাম,  
 এক-এক কোপে এক-এক ঝোপ সাবাড়।  
 কত হাজার পাতা ঝরলো গায়ে মাথায়,  
 হাজার চূড়া হঠাৎ কাছে এলো।  
 মনে হ'লো মেঘের ঘোর আক্রমণ ছিঁড়ে  
 নিঃশঙ্কে মুখ দেখালো নীল,  
 মনে হ'লো কত যুগের পরে, বন্ধু,  
 আবার তোমার দেখা পেলাম।  
 প্রথমে মুহূ হাওয়ার চেউ ব'য়ে গেলো,  
 একে-একে পাখি ফিরলো ডালে।  
 মনের ভার নামাতে চাই অবাধ নৈশ্বতে,  
 চোখের তাক পাহাড়ে, মন—কোথায়।  
 সত্যি কথা, পক্ষপাত আছেই আছে,  
 বলো তো কোন ভালোয় কিছু মিশোল নেই।  
 কচিপাতার সবুজও ভালোবেসেছিলাম,  
 আরো ভালোবাসি পাহাড়, এইটুকুই দোষ।

পো চু-ই

## মৃত্যু পরীক্ষা

বাণের ছোটো মেয়ে, আদরিণী তুমি,  
 অদৃষ্টের দোষে এই গরিব পশুতের হাতে পড়লে  
 আমার ছেঁড়া জামায় চোখ নামিয়ে যখন রিপু করতে,  
 আমি তোমার মন ভিজিয়ে, আস্তে  
 ছ-একটা সোনার কাঁটা খুলে নিতাম খোঁপার—  
 মদ কেনা চাই তো।  
 বুনো আনাজ রাঁধতে  
 পাতা পুড়িয়ে উলুন জ্বলে।  
 ... আজ শুনছি ওরা সভা ডাকেছে, আমার লাখ টাকার ডালি  
 নাকি তৈরি—  
 আজ তোমায় কী দেবো তাই ভাবি।  
 তোমার নামে মন্দিরে পূজো? এই?

২

কে আগে মরবে বলো তো? আমি! না, আমি!  
 কত ঠাট্টা ছ-জনে বঁসে করেছি।  
 একদিন হঠাৎ তুমি চলে গেলে  
 আমার চোখের উপর দিয়ে, তুমি।  
 তোমার জামাকাপড় সবই প্রায় বিলিয়ে দিলাম,  
 তোমার শেলাইয়ের বাস্ত্র কখনো খুলি না, সাহস নেই।...  
 বি-চাকর সকলের দিকে তোমার হাত ছিলো দরাজ,  
 আমিও সেটা রেখেছি, কিন্তু তোমার মতো হয় না।  
 ... বুদ্ধের কথা সত্য, বেঁচে থাকলে শ্রিয়বিয়োগ হবেই,  
 কেউ নিস্তার পায় না;

তবু বলি, একসঙ্গে আধপেটা খেয়ে দিনের পর দিন যাদের  
 কেটেছে,  
 এ-ছঃখ তাদের মতো কি আর কারো।

৩

ছঃখ শুধু তোমার জন্ম?  
 না, নিজের কথাও ভাবি।  
 সত্তর হাতে কত আর দেরি আমার?  
 আমি তো ভালো-মন্দয় সাধারণ—  
 দেখেছি মহৎ মানুষ, কে জানে কার শাপে নিঃসন্তান।  
 আমি তো চলনসই পদ্য লিখি,  
 শুনেছি মহাকবির কথা, তাঁর ডাকেও ওপার থেকে  
 সাড়া দেয়নি যরনী।  
 মৃত্যুর পরে মিলন?  
 বিশ্বাস করি না, তুমিও কোনোদিন করোনি।  
 সেই অন্ধকারেই শেষ, আর আশা নেই, জানি।  
 তবু  
 রাত্রি ভৈরে চোখ মেলে তাকিয়ে  
 আমি দেখতে পাই  
 তোমার মেঘলা কপালে  
 তোমার সমস্ত জীবনের সংসার চালাবার  
 হুঁশ্চিন্তা।

মুজান চন (১৭৯—৮৩৯)

## মন্তব্য

জাপানি বাদ দিলে, প্রাচ্য পাশ্চাত্য অন্য কোনো কবিতার সঙ্গে চীনে কবিতার কিছুই মেলে না। আমরা যাকে বলি বড়ো ভাব, বড়ো বিষয়, চীনে কবিতায় তা নেই, আমরা যাকে বলি গভীরতা তাও না। আবেগ, সংরাগ, আকৃতি, ভক্তি, কামুকতা, এর প্রত্যেকটি বর্জন ক'রে এই কবিতা তার স্বকীয়তায় আশ্চর্য ফুটে আছে। গতানুগতিও ছুই ক্ষেত্রে বিভিন্ন। বিশ্ব-কবিতার একটি বিরল অশাণ্ডা এবং একটি উৎকৃষ্ট বড়ো অংশের যে-দুটি বিষয় অবলম্বন, সেই প্রেম আর কাম, কিংবা ঐশ্বরিক আর যৌন প্রেম, এখানে অনন্য-রূপে বিরল। এ-দুয়ের মাঝে পাই চীনে কবিতার আদিপদে, কিংবা দূরতর লোকগাথায়। খৃঃ পূঃ ৫০০ সালেরও আগেকার নাম-না-জানা পৌরো কবির একটি গীতিকা তুলে দিচ্ছি :

হাটের পথে চলতে গিয়ে  
যদি তোমার আঁচল ছুই,  
রাগ কোরো না :  
সে-সব কথা কেমন ক'রে ভুলি।

হাটের পথে চলতে গিয়ে  
যদি তোমার হাতেই হাত রাখি,  
রাগ করবে—?  
সে-সব দিন ভুলতে পারি না তো।

জন্মমৃত্যুর রহস্য বা স্রষ্টার মহিমা নিয়ে দু-একজন আদিকবি যাঁরা ভেবেছেন, তাঁদের মধ্যে চাং হং (খৃঃ পূঃ ১৩৯-৭৮) সম্বন্ধে কিংবদন্তী এই যে গণিতে জ্যোতিষশাস্ত্রে তাঁর অগাধ পাণ্ডিত্য ছিলো, কিন্তু তাঁর নামে প্রচলিত কবিতা অল্প কারো লেখা। তা রচনা যাঁরই হোক, 'চুয়াং জু-র অস্থি' কবিতার একটি অংশ এখানে উদ্ধৃতিযোগ্য :

আমি এখন ইন আর ইয়াং-এ ভাসছি  
প্রকৃতির সঙ্গে মিশে, প্রকৃতিই আমার স্বভাব,  
স্রষ্টা নিজে এখন আমার বাবা, আমার মা,  
আকাশ আমার বিজ্ঞান, মাটি আমার বালিশ,  
বজ্র আঁধার বিদ্যায় আমার ডকা আর পাখা,  
সূর্য চক্রে আমার প্রদীপ, আমার বাতি,

আমার পাহাড়ি বরনা হচ্ছে যেব আর আকাশগঙ্গা,  
আকাশের তারা আমার মণিমুক্তা।  
প্রকৃতির সঙ্গে মিশে গেছি আমি।  
বাসনা নেই, লিপ্সা নেই,  
ধূয়ে আমাকে সাক করতে পারবে না,  
নোরা ক'রে ময়লা করতে পারবে না আমাকে,  
আমি কোথাও যাই না তবু ঠিক পৌছই,  
ব্যস্ত নই, তবু দ্রুত।

(অল্পবাদ—অমিতেন্দ্রনাথ ঠাকুর। 'কবিতা', পৌষ ১৩৫২)

অনেকটা হিন্দুভাবাপন্ন এই কবির সঙ্গে তুলনীয় চাং হং-এরই সম-সাময়িক ওয়াং ইয়েন-ও (আল্লামিক ৬৩০ খৃঃ)। এঁর 'বীদর' কবিতার আরম্ভ :

আশ্চর্য মহান তিনি, অসম্ভব তাঁর উদ্ভাবন,  
যিনি এই আকাশের বিশ্বয় বানালেন, পৃথিবীর ইম্রজাল।  
অলোক সেই শক্তি, যিনি কত ক্ষুদ্রকে  
কত গোপন হৃদয় ক'রে গড়লেন, সকলের মধ্যে সঞ্চরমান।  
চাধো এই বীদরটাকে, গুহ, ছোট এইটুকু,  
কদাকার; মুখটা কুঁফড়ানো বেন বয়োরদ্ধ,  
এদিকে শরীর সেন বাচ্চা খোকার।...

এ-সব কবিতায় মে-প্রবলতা পাই, বিখ্যাত পরবর্তীদের সুগন্ধ কারুকর্মে তা লুপ্তপ্রায়। এর কুললক্ষণ পৃথিবীর অজ্ঞাত কবিতারই অল্পরূপ; এখানে চীনে কবিতাকে মনে হয় সংস্কৃত বা লাতিন বা ইংরেজি বা বাংলা কাব্যেরই সম্মা। কিন্তু চীন-সভ্যতার বিকাশকালে কবিতার আকাশ-মাত্রা বন্ধ হলো, এই উদার উচ্চারণও টিকলো না। এর কারণ অনেকে বলেন এপিক কাব্যের অভাব। চীনেদের রামায়ণ মহাভারত বা ইলিয়াড ওডেসি নেই, নাটকও দেখা দিয়েছিলো মাত্র তেরো শতকে। ইওরোপে বা ভারতে, যেখানে এপিক থেকে নাটকের এবং নাটক থেকে গীতিকার জন্ম, সেখানে গীতিকার আবেগে আন্দোলিত, অলংকারে সমৃদ্ধ, নাটকীয় কথনভঙ্গিতে শতবিচিত্র। চীনে কবিতায় ও-সব গুণ কিছুই বর্তালো না, তার পরিণতি হলো একেবারে অল্প পথে। আট-নয় শতকে



বহু বিস্তৃত তাৎ বংশের রাজত্বকালে তার পূর্ণ প্রস্ফুটিত স্বরূপ দেখতে পাই। দুটো লক্ষণ প্রথমেই চোখে পড়ে: বিষয়বস্তু সংকীর্ণ, অলংকার—আমাদের অভ্যস্ত অলংকার—অতিবিরল। বিষয়ের মধ্যে বহুতা, বহুবিক্ষেপ, অগ্নতম। বহু মানে বহু নয়, পুরুষের পুরুষ বহু। মনোবিজ্ঞানী সমাজবিজ্ঞানীর কাছে এর যা ব্যাখ্যা হবে তা সহজেই অস্বপ্ন, কিন্তু কবিতার পক্ষে তা স্বাভাবিক। তাছাড়া কবিতামাত্রেরই কিছু-না-কিছু মামুলি, প্রচলিত সমাজ-বিধানে বাধা; পারসিক শাকিও নবকিশোর—যদিও ৩মর খৈয়মের বাংলা সংস্করণ তার মেনকামুত্তির ছড়াছড়ি—শেক্সপীরের সনেটও অধিকাংশ এক রূপবান সুবার স্ততিবাদ। এখানে কথাটা এই যে উপলক্ষ্য যা-ই হোক, কবিভাটা খাঁটি কিনা। পিতৃব্যবিরহে কাতর হয়ে পোনা, বাঙালি কবির সাত পুরুষে কেউ কবিতা লেখেননি, কিন্তু লি পোর কবিতাটিতে আমরা উপলক্ষ্য ভুলে যাই, তাঁর দরজা বন্ধ করার শেষ দীর্ঘশ্বাসটি আমরাও ফেলি—এখানেই কবি জিতে গেলেন। চীনের উজ্জয়িনী-যুগের এই রীতি, বহু বিনে গীত নেই, দুঃখ মানে বহুর বিদায়, বহুর মুদর্শন স্নেহের উদাহরণ। ব্যতিক্রমস্বরূপ এজরা পাউণ্ড রিহাকুর (৮ শতক) দু-একটি রক্ত উদ্ধার করেছেন, রবীন্দ্রনাথের অহুবাংদের প্রসারে বোড়শী সওদাগর-সোয়ের বিষয়কর বিরহলিপি আজ অনেক বাংলা পাঠকও পড়েছেন। মৃত্যু পত্নীর স্মরণে মুআন চন-এর খেদোক্তিও এমনি আর-একটি প্রথাত্মক বিষয়।

দ্বিতীয় বড়ো বিষয় চারুকীর্তীর আক্ষেপ, বদলির বিড়ম্বনা, নিবাসনের দুর্ভাগ্য। পুরোনো চীন কবির প্রায় সকলেই ছিলেন 'ডেপুটিজাতীয় জীব'; শুধু তা-ই নয়, সিবিলা সাবিস পরীক্ষায় নিদিষ্ট বিষয়ে পছন্দনা তখন আবশ্যিক ছিলো। এতে যেমন মামুলি পড়ে দেশ ছেড়েছিলো, তেমনি সুবিধেও ছিলো এইটুকু যে সং কবিকে সমাজে একবারে হাতে হয়নি। আধুনিক বাংলা সাহিত্যের জনকরাও অনেকে ডেপুটি, তাছাড়া বতমান ক্রপ্সের দু-জন মুখ্য কবি, ক্লোদেল আর সাঁ-জন পের্গ, রাজদূতের কর্ম করেন, কিন্তু কর্মজীবন আর কবিজীবন উভয়ই একান্ত বিচ্ছিন্ন। চীন সভ্যতার চারিত্রলক্ষণ রাজকর্মে আর কবিকর্মে পরস্পর-স্বপক্ষ, যার ফলে চাকরিটাসুদ্ধ—ব্যঙ্গকবিতার না, হার্দী কবিতার বিষয়ীভূত।

আপাতবিরোধী ও-দ্বয়ের মধ্যে এমন স্বচ্ছন্দ সহনোগ অল্প কোথাও ঘটেনি; আজ পর্যন্ত চৈনিক রাজপুরুষ সাধারণত কাব্যরসিক, এমনকি কাব্যকার—স্বয়ং মাও এসে তুং কবিতা লেখেন।

কিন্তু বিষয় বলতে প্রকৃতিই স্বপ্ন, তাকে বাদ দিয়ে কোনো কথাই বলা যায় না। 'মৃত্যু পত্নীকে' কবিতায় আকাশ, গাছ কি পাহাড়ের কথা একবারও নেই দেখে অবাক লাগে কেমন করে চীনে কবির হাত দিয়ে বেরিয়েছিলো। যেমন চিত্রকলায়, তেমনি কাব্যে, প্রকৃতির অন্তরঙ্গ সহবাসের চেতনা বিশিষ্ট চৈনিক ধর্ম। এর কোনো জুড়ি নেই। দেশে কালে বিচ্ছিন্ন বিলদৃশ অল্প যত কবির কথাই মনে করি, সকলের কাছেই প্রকৃতি হয় মানবজীবনের পটভূমি, নয়তো উপায়, পথ, কিংবা কোনো বৃহত্তর সত্তার বা বিশ্বস্তার প্রতীক; প্রকৃতির পিঠে চ'ড়ে অনেকেরই 'অল্প কোনখানে' পৌঁছেন। কিন্তু লি পো, হান ইউ বা পো চ্যু-ইর প্রকৃতিপ্রেম রাসায়নিক অর্থে বিশুদ্ধ, তাতে অল্প আকাজক্ষার মিশ্রণ নেই। দুল, মেঘ, হাওয়া, এমনকি জড় পান্থেরও তাদের প্রণয়ের কারণ এ নয় যে তারা অমৃতের প্রতীক বা ইঙ্গিত—ভারা আছে, এবং তাদের নিয়ে আমিও আছি, এই চেতনাতেই তাঁরা আশ্রয়। যদিও প্রাচ্য, এঁরা হিন্দু বা পারসিক ভক্ত-ভাবের নামগন্ধবদ্ধিত, পরমাছায় নিঃস্পৃহ, এঁদের কথা হাফিজের বা বৈষ্ণবের বা গীতাঞ্জলির নয়। হান ইউর পর্বতপ্রেমে কোনো অমর্ত্য ঈশা নেই, তাকে আমাদের ধুবচনা বৈরাগ্য ভাবলেও ভুল হবে। ধর্মভাবের তুলনায় সৌন্দর্য-বোধ এখানে প্রধান, 'ভাঁকে' পাবো কি পাবো না তার চাইতে সংজীবন বড়ো কথা। তাও দর্শনের প্রভাবে শিক্ষিত সমাজের তখন এই আদর্শ; জ্ঞানী গুণী রাজপুরুষ সকলেই চেয়েছেন মুখর সংসার ছেড়ে ঘুরে, বনে, পাহাড়ে, সৈকতে, শান্ত নিমল ভারুকতার দিন কাটাতে। ভারুকতা মানে ধ্যান? না, সুরা চাই, বহু চাই, বীণা চাই। এই-ই শুধু ছবিতে কবিতায় নিবেদন করে তাঁরা আশ্রয় হাননি, বাস্তবেও প্রয়াগ করেছেন। কবির রাজকর্মে ইস্তফা দিয়ে (কিংবা চাকরি থুইয়ে) কতবার যে বনে গেছেন, আবার ফিরেছেন, আমাদের কাছে সে-কাহিনী কোঁতুকাবহ।

আধুনিক পরিভাষায় একে বলে এক্সেসিট। ওটা একটা গাল দেবার

বুলি, তাই অর্থহীন। যদি বলা যায় যে কেবলই বনে যেতে চাইলে কবিতায় বাস্তববোধ ক্ষীণ হবে, আশ্চর্য এই যে এখানে ঠিক উল্টোটাই প্রমাণ পাই। চীনেরাই বিশেষভাবে বাস্তবের কবি, এমনকি সাংসারিকতার; প্রতিদিনের ঘরকরার এমন খুঁটিনাটি পৃথিবীর আর-কোনো গীতিকাব্যে মিলবে না। চীনে কবি নিবন্ধকের বিরোধী, তাঁর আরাধা মৃত—বাক্য বলে বঙ্গকৌট—সাহিত্যক্ষেত্রে প্রতিমাপূজায় তিনি প্রতিপ্রস্তুত। তাই তাঁর প্রকৃতিবর্ণনা একবারেই যথার্থ, ছব্বছ চোখে দেখে দেখা, ঠিক যেটুকু দেখা সেটুকুই লেখা। একই কারণে উপায় তাঁর বিরাগ, উক্তিভেদ অনাস্থ্য। কাব্যের প্রধান উপায় ইন্দ্রিত, ইন্দ্রিতের উপায় ছবি। চৈনিক চোখে ছবি আর কবিতা একাক্ষ; তারা ছবি লেখে, কবিতা ঝাঁকে; তাদের বর্ণমালায় অক্ষরও এক-একটি ছবি, ভাষাছবি। যেমন লাগুশ্বেপে তাদের পাতার পর পাতা কবিতার মতো প্রবাহ, কবিতায় তেমনি দৃশ্যছবির রূপায়ণ। কখনো দেখা যায় হু-চার লাইনে ছবি একেই কবির তৃপ্তি, ছবির পরে কথা নেই, ছবিটাই কথা।

ভিক্টরীয় উচ্ছ্বাসে বিরক্ত হ'রে আধুনিক পশ্চিমী মন চৈনিক চিত্রলতার মুগ্ধ হ'লো। অর্থাৎ লাগলো এই কম-ক'রে-বলা কবিতা, গলা চড়ে না, ঘোষণা নেই, কোনো কথাই জোর দেয় না, সব কথা খুলেও বলে না। মৃদু, নিস্তাপ, বিষয়, এর শক্তি স্বকৃত্যায়, যথার্থ্যে, অবিচল পার্থিবপ্রণয়ে। উপমার বদলে বস্তুটাই ব্যবহার, বিহ্বলিত বদলে চিত্রকল্পের প্রয়োগ, চীনেদের কাছে এই দুই স্তরে শিখে নিয়ে এজরা পাউণ্ড তাঁর ইম্‌জিস্ট আন্দোলনে কেমন কাজে লাগিয়েছিলেন সে-স্ববর আজ সকলেই জানেন। শুধু ছবির ইন্দ্রিতে কবিতা বলার একটি চরম নমুনা পাউণ্ড পেশ করেছেন তাঁর প্রিয় কবি রিহাকুর আর-একটি স্ত্রীপুরুষবচিত রচনার :

#### প্রবালসিঁড়ির বিলাপ

প্রবালসিঁড়ি শিশির প'ড়ে-প'ড়ে শায়,  
কত রাত ? আমার মঙ্গলিনের মোজা শিশিরে ভিজলো,  
স্ফটিকের পরদা টেনে দিয়ে  
আমি ব'সে-ব'সে রেখি স্বচ্ছ শরৎ, শরতের চাঁদ।

'প্রবালসিঁড়ি, অতএব প্রাসাদ। বিলাপ, মানে নালিশ কিছু আছে।

মঙ্গলিনের মোজা, মানে নালিকা কোনো পুরস্কন্দরী, দাসীদের কেউ না। স্বচ্ছ শরৎ, তাই নালিশের কারণ শীতগ্রীষ্ম নয়। নালিকা অনেকক্ষণ অপেক্ষমানা, কেননা শিশিরে শুধু সিঁড়িই শাশা হয়নি, মোজাও ভিজ়ে গেছে। এই ব্যাখ্যা দেবার পরে পাউণ্ড বলাছেন, 'স্পষ্ট কোনো অভিযোগ নেই বলেই কবিতাটি মহামূল্য।'

অনুবাদে ঠিক বোঝা যাবে না বলে পাউণ্ডকে টাকা জুড়তে হয়েছে, কিন্তু মূলত যদি এত অল্পেই এতটা বলা হ'য়ে থাকে তাহলে আশ্চর্য বইকি। (জাপানি ভানকা টিক এই জাতের না—সেখানে কথাটাও ক্ষীণ।) অবশ্য কাব্যের তির্যকরীত সবত্রই স্বীকৃত হয়েছে; সংস্কৃত একে বলতো 'ব্যঙ্গ্য' বা 'ধ্বনি', কিন্তু 'স্মীলাকমলপত্রাণি গণ্যমান্য পাব'তী' এর তুলনায় বড় বেশি বলে ফেললো। আড়িতে বলতে চীনে কবির মতো নিপুণ কেউ না; বস্তুত, অল্প কোনো ভাবে বলতেই তিনি অনভ্যস্ত। ফলত, চীনে কবিতায় বৈচিত্র্য কম, এবং কোনো-কোনো মহৎ কাব্যরূপের সম্ভাবনাই নেই; বাঁথোর 'মাতাল তরবারী', কি 'বলাকা', কি 'ফোর কোয়ার্টেটস' সেখানে অচিন্ত্য। কিন্তু সেখানে যা আছে তাও অল্প কোথাও নেই বলে বিশ্বস্ততার তার এত সম্মান, তাছাড়া এখনকার তরুণ বাঙালি কবিরা, যারা নতুন পথ খুঁজে পাচ্ছেন না, চীন সংসর্গে তাঁরা হয়তো সংপরামর্শ পাবেন।

## অঙ্ককার

## জীবনানন্দ দাশ

(‘অঙ্ককার’ কবিতাটি প্রায় সত্তেরো বছর আগে (১৩৩৯-৪০এ) লেখা হয়েছিল। খুব সম্ভব ১৩৪২ বা ৪৩এ ‘কবিতা’য় দিয়েছিলাম। তখন ছাপানো হয় নি, পরে পাণ্ডুলিপি হারিয়ে গিয়েছিল। আমার কাছেও কোনো কপি নেই ভেবেছিলাম। পুরোনো খাতা খুঁজতে-খুঁজতে সেদিন বেহরিয়ে পড়ল। সত্তেরো বছর আগের ঠিক সেই মনোস্থাবর এখন নেই আর আমার; এ রকম কবিতা আজ আমার পক্ষে লেখা সম্ভব নয়।)

গভীর অঙ্ককারের ঘুম থেকে নদীর ছলছল শব্দে জেগে উঠলাম  
আবার ;

তাকিয়ে দেখলাম পাণ্ডুর চাঁদ বৈতরণীর থেকে তার অর্ধেক ছায়া  
গুটিয়ে নিয়েছে-যেন  
কীর্তিনাশার দিকে।

ধানসিঁড়ি নদীর কিনারে আমি শুয়েছিলাম—পউষের রাতে—  
কোনোদিন আর জাগব না জেনে  
কোনোদিন জাগব না আমি—কোনোদিন জাগব না আর—

হে নীল কস্তুরী আভার চাঁদ,  
ভূমি দিনের আলো নও, উজ্জ্বল নও, স্বপ্ন নও,  
হৃদয়ে যে মৃত্যুর শাস্তি ও স্থিরতা রয়েছে  
রয়েছে যে অগাধ ঘুম  
সে আশ্বাদ নষ্ট করবার মত শেলতীব্রতা তোমার নেই,  
ভূমি প্রদাহ প্রবহমান যন্ত্রণা নও—

জান না কি চাঁদ,  
নীল কস্তুরী আভার চাঁদ,  
জান না কি নিশীথ,  
আমি অনেক দিন—  
অনেক অনেক দিন  
অঙ্ককারের সারাৎসারে অনন্ত মৃত্যুর মত মিশে থেকে  
হঠাৎ ভোরের আলোর সূর্ণ উজ্জ্বাসে নিজেকে পৃথিবীর জীব  
ব’লে বুঝতে পেরেছি আবার ;

ভয় পেয়েছি,

পেয়েছি অসীম ছুনিবার বেদনা ;

দেখেছি রক্তিম আকাশে সূর্য জেগে উঠে

মাহুতিক সৈনিক সেজে পৃথিবীর সুখোমুখি দাঁড়াবার জন্ম

আমাকে নির্দেশ দিয়েছে ;

আমার সমস্ত হৃদয় ঘূণায়—বেদনায়—আক্রোশে ভ’রে গিয়েছে ;

সূর্যের রৌদ্রে আক্রান্ত এই পৃথিবী যেন কোটি কোটি শূর্যোরের

আতর্নাদে উৎসব সুরু করেছে।

হায়, উৎসব !

হৃদয়ের অবিরল অঙ্ককারের ভিতর সূর্যকে ডুবিয়ে ফেলে

আবার ঘুমোতে চেয়েছি আমি,

অঙ্ককারের স্তনের ভিতর যোনির ভিতর অনন্ত মৃত্যুর মত মিশে

থাকতে চেয়েছি।

কোনোদিন মাহুত ছিলাম না আমি।

হে-নর, নারী,

তোমাদের পৃথিবীকে চিনি নি-কোনোদিন ;

আমি অথ কোনো নক্ষত্রের জীব নই।

যেখানে স্পন্দন, সংঘর্ষ, গতি, যেখানে উদ্গম, চিন্তা, কাজ,  
সেখানেই সূর্য, পৃথিবী, বৃহস্পতি, কালপুরুষ, অনন্ত আকাশগ্রন্থি,  
শত শত শূকরের চীৎকার সেখানে,  
শত শত শূকরীর প্রসববেদনার আড়ম্বর,  
এই সব ভয়াবহ আরতি !

গভীর অন্ধকারের ঘুমের আশ্বাদে আমার আত্মা লালিত ;  
আমাকে কেন জাগাতে চাও ?

হে সময়গ্রন্থি, হে সূর্য, হে মাঘনিশীথের কোকিল, হে স্মৃতি,  
হে হিম হাওয়া,

আমাকে জাগাতে চাও কেন ।

অরব অন্ধকারের ঘুম থেকে নদীর ছলছল শব্দে জেগে উঠব  
না আর ;

তাকিয়ে দেখব না নির্জন বিমিশ্র চাঁদ বৈতরণীর থেকে আন্ধক  
ছায়া গুটিয়ে নিয়েছে  
কীর্তিনাশার দিকে ।

ধানসিড়ি নদীর কিনারে আমি শুয়ে থাকব—বীরে—পউষের  
রাতে—কোনোদিন জাগব না জেনে—  
কোনোদিন জাগব না আমি—কোনোদিন আর ।

## বিশাবরী

## সঞ্জয় ভট্টাচার্য্য

তোমার চোখে ছুঁকোঁটা রাত এতো গভীর  
এতো বিভোর ?  
নেই যে আর ভোর-ছপুর্ নেই বিকেল—  
তোমার রাত ছুঁকোঁটা রাত নিরুবেল—  
এমন স্থির !

ছুঁচোখ-ভরা ছুঁকোঁটা রাত এমনও হয় !  
কী অদ্ভুত !  
ছুঁজনই যেন ছুঁকোঁটা রাত—রাতের কেউ  
ছুঁজনই যেন অন্ধকার—রাতের চেউ  
আকাশময় ।

তোমার চোখে ছুঁকোঁটা রাত কণিক রাত—  
অনেক রাত  
অতীত আর ভবিষ্যৎ উধাও তার,  
মায়ের মতো তারার রাতে আকাশ-পার  
বাড়ায় হাত !

তোমার চোখে ছুঁকোঁটা রাত রাতের বড়  
কালান্তিক !

ছুঁজন যেন যোজন-ভরা বাড়ের মন,  
ছুঁজন যেন করেছি কবে মৃত্যুপণ

পরস্পর ॥

## পঞ্চবটী

## বিষ্ণু দে

‘যেখানে প্রতীক্ষারত স্বরসুন্দরীরা—’ সুধীক্রনাথ দত্ত

তুমিই মালিনী, তুমিই তো ফুল জানি।  
ফুল দিয়ে যাও হৃদয়ের দ্বারে, মালিনী,  
বাতাসে গন্ধ, উৎস কি ফুলদানি,  
নাকি সে তোমার হৃদয়স্বরভি হাওয়া?

দেহের অতীতে স্মৃতির ধূপ তো জ্বালিনি।  
কালের বাগানে থামে নিকো আসাযাওয়া,  
ত্রিকাল বেঁধেছ গুচ্ছে তোমার চুলে,  
একটি প্রহর ফুলহার দাও খুলে,

কালের মালিনী! তোমাকেই ফুল জানি,  
তোমারই শরীরে কালোস্ত্রীণ বাণী,  
তোমাকেই রাখী বেঁধে দিই করমূলে,  
অতীত থাকুক আগামীর সন্ধানী—  
তাই দেখে ঐ কাল হাসে ঢুলে’ ঢুলে’

এখানে ঢেকো না সূর্য, এখানে যে একটি হৃদয়  
দুহাতে শীতের রৌদ্র ছড়িয়েছে অনেক—আমারও  
জীবনের মাঠে-বাটে নদীপথে পাথরে বাগানে  
প্রাণের আরাম আলো ছড়িয়েছে, সে প্রসাদ কারো  
আকাশে আনেনি ছায়া, নির্বিশেষ সে হৃদয়দানে  
তুল্যদণ্ডে রাখেনি সে দাবীদাওয়া ভীকু বিনিময়—

যদিই বা রেখে থাকে, তবু তার হৃদয়ের আলো  
ফুলে ফুলে প্রজাপতি, কিম্বা বুঝি ফুলেরই প্রতিমা,  
সূর্যবট ছেয়ে তার বর্ণচ্ছটা যেন ইন্দ্রধনু,  
হরধনুভংগে নয়, বরদা সে, ঐশ্বর্য বিলাল  
হাসিতে ভঙ্গীতে মিত্রাঙ্করে তার, তার স্বচ্ছ তরু,  
বিরহে যা রৌদ্র নয়, মানি, কিন্তু খুলনপূর্ণিমা।

কি জানি তোমাকে হয়তো বা ভুল জানি,  
তবু প্রকৃতিতে রূপায়িত মনপ্রাণ।  
সে ছবিতে এক হয়ে গেলে তুমি, রূপকে,  
হৃদয় সংবেদনে ভরে’ দিলে গান।

হয়তো বা ভুল, বন্ধে কিম্বা যুবকে  
তোমার কোমল হাতের সঠিক বাণী  
বৃন্দে, আমি কি গুণেছি নিজেরই ভাষা?  
আকাশে মাটিতে জীবনে যে কানাকানি  
মনে মনে শুনি সে কি শুধু অল্পমান?

জানি না, তোমাকে হয়তো বা ভুল জানি।  
তোমার জীবনে দিগন্ত পটভূমি  
শুক্রপক্ষ কতোদিন দেবে তুমি  
সে জানো তুমিই, আমার রাতের আয়ু  
নাঙ্কত্রিক, নিত্য সেখানে বায়  
আলো উত্তাপ—আর অতন্দ্র প্রাণ।

এখানে নতুন পাতা, সাইরেনে সাইরেনে  
আর এক বছর’ এল রাত্রি ভেঙে বারোটায়।

কে জানে স্থবির সময়ের ছরস্তু ছোটায়  
 পরাগ ওড়ায় কে ও! কিইবা হবে তা জেনে ?  
 উদ্ভুক্ত কুড়াই, কালের ফুলের বাগানের  
 মালিক বা মালীর দাক্ষিণ্যে, মালিনী খেয়ালে  
 যা দেয় ছহাতে নিই, বাঁধি গতির দেয়ালে।  
 দান যদি ঝরে, থাকে রেশ কালের গানের,  
 ছবি থাকে।

হে কাল হে মহাকাল। তাই চাই  
 আনন্দে মর্মের সাধারণো জুখী সুখী দিনে  
 দৈনন্দিন তোমাকেই। ভবিষ্যের উৎস স্থির,  
 অতীত তো বনভূমি, পূর্বাণের জীবনের তুণে  
 চাই না খোদাই ঝর্না সুরসুন্দরীর নৃত্যে।  
 কিম্বা চাই, মৃত ইতিহাসে ত্রিকালেশ্বরীর  
 গতির ত্রিভঙ্গ তীব্র পঞ্চবটী এই চিত্তে।

পঞ্চবটী ডাকে আজ পাতৃজনে, উদ্দাম উধাও  
 কালের যাত্রার ধ্বনি শোনা যায়, হাওয়ার মর্মের  
 শৈশবের হাসি ছোট্টাছুটি কলরব আজ পাও  
 শুনতে কি পাও কিছু কালের পাথরে

নতুন ব্যঞ্জনা? আজ প্রতীক কি প্রত্যক্ষ নির্ঝরে?  
 হেমস্তের দোলা পেল নিদাঘের স্তম্ভিত সন্তাপ?  
 দম্পতি—চালুশে আর বাইশেও প্রেমের প্রতাপ  
 মেনে আসে পদচারণে ইতস্তত সব্বজবাসরে,  
 সাইরেনের পরে স্নাত শ্রমিকেরা গুপ্ত অবসরে,  
 নানারঙা ভিড়ে আসে সুরসুন্দরীর পাশে নানান বিছাসে।

গুপ্তিত বন্ধের মতো, যারা আসে রৌদ্রের প্রত্য্যাশে  
 মাথায় জড়ানো গল্প সেকালের দূর অভিশাপ

দিনে দিনে সন্ধ্যায় সকালে বৎসরের বৎসরে  
 কালের প্রাচীন মূর্তি হাঙ্গে তারা সাব্বেক অভ্যাঙ্গে ?  
 মালিনী! দেখেছ এ খেলার মেলায় কাল সম্পূর্ণ সন্ধ্যাসে  
 আকৃষ্ট তৃপ্তিতে হাঙ্গে, খেলেনা ও সাপ!

তোমার মালাটি আজ নিয়ে যাব আমাদের ঘরে।

১৩০০ সালের নায়কের বিলাপ

## বিশ্ব বন্দ্যোপাধ্যায়

দেয়ালে বসুধারার আঁক... ছপুরে দোলে মন—  
 প্রহর আজ প্রহর কী যে করেছে সারা খন।  
 তোমাকে মনে পরেছে মনোরমা—  
 অনেক দূরে যেখানে চোখ—আকাশ ছিলো নীল,  
 সেখানে মিছে আজকে খুঁজি তোমারি কোনো মিল—  
 হারানো। সেই তলুর তাপ স্বপ্ন স্মৃতি নিয়ে  
 দাড়িতে ঝোলো তোমার পরা জামা  
 ছপুর ধরে তাই তো ধরি তোমাকে মনোরমা  
 দেয়ালে বসুধারার আঁক... ছপুরে দোলে মন—  
 প্রহর আজ প্রহর কী যে করেছে সারাখন  
 দেয়ালে বসুধারার আঁক করে না আজ ক্ষমা—

অনেক কথা অনেক দিন ফিরিয়ে আনে প্রাণে  
 থেমেছে সুর বহুদিনের গানে  
 আজকে সারা ছপুর ভরে কোথাও গতি নেই  
 পাথর যেন কোথাও প্রাণ নেই  
 স্তব্ধ সব, গাছের পাতা মাটিতে হ'লো জমা—

বৃষর তাকে যেখানে থাকে একটি ঘষা বামা  
 গন্ধ তেল, আলতা-মুটি চিরুনিখানি ভাঙা  
 স্বরণে রোদ রঙিন হ'লো কিংসের ক্ষীণ স্বর—  
 হঠাৎ যেন চকিত হ'লো ঘর।  
 কয়টি কাঁটা চুলের ফিতে কুঙ্কুমের শিশি  
 বাড়িতে করা গরিবিয়ানা সাবান তেল দিশি,

রয়েছে পাঁড়ে সেখানে আজ ধুলোর পুরু সর,  
 ছপুর কাঁপে আবেগে থরোথর!  
 এ নয় মিছে মনন আজগুবি  
 তোমাকে ভেবে ছপুর হ'লো বড্ড বেশি ছবি,  
 আবেগ আজ মানে না তাই কোলন আর কমা—  
 চোখের জলে যে-তর্পণ তাতে কি করা চলে  
 জীবনটাকে যে-ক্ষতি দিয়ে ভরেছো মনোরমা ?

Ozymanadias-এর নব পর্যায়

বিশ্ব বন্দ্যোপাধ্যায়

শুধনি নদীর বাঁক শুনেছি প্রবাদ  
 ছপুরে পথিক পোলে রক্ত শুবে খায়  
 তপ্ত মরু, ধু ধু বালি, মাঠ, ধূলিমুঠি  
 ধীরে খালি ছপুর ওড়ায়।  
 কোথাও বসতি নেই—সবুজের লেশ  
 শুধনির বাঁক সব চুবে চুবে করেছে নিঃশেষ।  
 কিছুদূরে বাড়ি ছিলো আজো তার থামেরা দাঁড়ায়—  
 শতাব্দীর জরা নিয়ে রুগ্ন ছায়া সিকতায় ফেলে  
 মুমূর্ষুর মতো হাঁকে —এ-পথে কে যায় ?

এ-ছায়া শ্যামল ছিলো একদিন পাতার সবুজে।  
 সে-সবুজ পালিয়েছে বহুদিন দূর কোনো মাঠে,  
 সরস মাটির কোলে হয়তো বা পেয়েছে আশ্রয়।  
 কয়টি থামের আড়ে ফেলে গেছে কাঁটা ছায়া—করুণ ছলনা।  
 যারা আজো উর্ধ্বমুখী জিভ মেলে মেঘতৃষ্ণায়

আবছায়া সবুজের এক ফাঁটা আশ্বাদ তবুও কি

তবু কি পেলো না ?

মেঘছায়া মিছে খুঁজে আকাশের বুকে পেতে চায়—  
সে-সবুজ নেই বাটে তবু সেই সবুজের স্মৃতি  
প্রোত হ'য়ে আজো ঘোরের এ-দন্ধ চড়াই।  
শিশুমের ফুৎকারে ধূলিমুঠি ছপূর ওড়াই  
শতাব্দীর জরা নিয়ে বালুডাঙা এই মরুমাঠে  
বাড়ি নয়, ভগ্নজাহ্নু থামেরা দাঁড়ায় !

জীবনের যে-রহস্য সময়ের গুঁড় পরিণাম,  
এই সব জরাজীর্ণ থাম—মনে হ'লো এরা সব জানে  
পাদপীঠে উৎকীর্ণ কয়ছত্র রয়েছে সেখানে :

### গাত্রলিপি

শুন পাছ এই হৃদয় উৎপত্তি কখন  
উন্নর প্রান্তর হেথা আছিল যখন  
শোষণা রাক্ষসী ছিল নদী হৈল হেথা  
স্বয়ং বরুণ দেব পাইয়া বারতা  
কাকচক্ষু দিবি এক সাগরের প্রায়  
করিতে আদেশ দিলা দাশরথি রায়ে  
দাশরথি রায় রাজা প্রবল প্রতাপ  
ইন্দ্রতুলা বৈভব কেবা করে মাপ  
স্বাপিলা বিলাস ধাম নন্দন-কানন  
উজান মধ্যে তেঁই করিলা খনন  
কাকচক্ষু সরোবর পরম শোভন  
বরুণে দিলেন ভার করিতে রক্ষণ  
আয়তনে হৈল দিবি সাগরের প্রায়  
প্রবল প্রতাপ রাজা দাশরথি রায়

বিখকন্দা শিল্পী দিলা করিতে পত্তন

পঞ্চশত বিধা তেঁই হৈলা ভঙ্গাগন।

ইতি। শুভ বঙ্গাব্দ—১১০০শো সন।

পাঁড়েই চমকে উঠি

পাশ দিয়ে দ্রুতবেগে কেউ ছুটে যায়—

আচমকা ছুঁচোখ ফেরাই

ভয়ে ভেঙে যায় স্বর তবুও চ্যাঁচাই—

কে ? কে ? কে ছুটে পালায় ?

ফের ভালো করৈ পড়ি লেখা আছে এগারো শো সন  
১৩৫৭ বুঝি ব্যঙ্গ করৈ যায় !

শুষ্ক নদীর এই রক্ত-চোবা বাক  
সারাদিন কী যে ছাখে আঁপি বাড়ে বালির মুকুরে,  
ছপূরে পথিক পোলে রক্ত চুষে খায়—  
কোথায় উজানবাটী, কোথা রাজা দাশরথি রায়  
শেব ফাঁটা সবুজের ভঙ্গাশেব নিয়ে

দলে দলে পিপাসাত জগু ডেঁড়ে যায়—

জটিল জটলা ফেঁদে বৃঁদ হয়ে ছপূরের বোদে

কী ভেবে যে ভগ্নজাহ্নু থামেরা দাঁড়ায় ?

অবিশ্রান্ত ধূলিমুঠি কেনই বা ছপূর ওড়াই ?



## কলকাতায় প্রেম

রাজলক্ষ্মী দেবী

এই মহানগরীর প্রেম

এই মহানগরীর মতো

জটিল, উদ্বিগ্ন, অস্থহীন।

নিঃশেষ হ'লেও তবু নিশিচ্ছ হয় না

এই মহানগরীর প্রাণ,

এই মহানগরীর প্রেম।

কলকাতা, আমি তোমায় ভালোবাসি,

তোমার আকাশ তোমার বাতাস আমার প্রাণে বাজায় বাঁশি।

একদা মিলনে ছিলো সহজ স্রুযোগ।

ছিলো মহানগরীর বিপুল বিস্তৃতি,

যানবাহনের অভ্যর্থনা।

ছিলো লোক—তীর্থের মহিমা নিয়ে।

বটানিঙ্গ—চৈত্রের চিড়িয়াখানা

নির্জন ছুপুর।

সুখসুবিধার লোকলোচনের করে না পারোয়।

মহানগরীর মন, এই

মহানগরীর প্রেম।

কলকাতা, আমি তোমায় ভালোবাসি

তোমার আকাশ তোমার বাতাস আমার প্রাণে বাজায় বাঁশি।

এই মহানগরীর প্রেম

এই মহানগরীর মতো

অধীর উত্তেজনার বৃষ্টি।

নেই তার রাখালী প্রেমের অবিচ্ছেদ পরমাণু।

তা নিয়ে চলবে না অভিযোগ।

এ গঙ্গায় চলবে না হায় বাঁশি ভেঙে ভাসিয়ে দেওয়া।

কবিতা তোমার প্রেম ছাড়িয়ে বাঁচবে,

প্রেম হারিয়ে বাঁচাবে।

আহা, ক্ষয় হয়ে তবু ভয় কেন তোর যায় না,

হায় ভীর্ণ প্রেম, হায় রে।

মহানগরীর শতচঞ্চল স্নায়ুর কাঁপন সাহসী ভয়ে

নতুন কিছুর অপরিচয়ে।

হাজরার মোড়ে কতো যে কেঁপেছে চোখের ইচ্ছা—এবং শঙ্কা

ট্রামবাসভিড় ট্রাক্কিনিয়মে,

চপল ভ্রমর ব্যর্থ হ'য়েই ঘুরে-ঘুরে ওড়ে,

এলো না আমার সময় এলো না।

হায়রে হাজার মুখের মধ্যে সেই চেনাসুখ

কোথায় কোথায়—

হায় ভীর্ণ প্রেম হায় রে!

দেখাশোনার দরজা বন্ধ,

অতএব খিড়কির আশ্বাস, কবিতা।

মনে মনে ভাবা, মস্ত, জটিল, না-লেখা কবিতার মতো

এখনো স্পন্দিত হয়

এই মহানগরীর দিন

মহানগরীর প্রেম।

কলকাতা, আমি তোমায় ভালোবাসি।

তোমার আকাশ তোমার বাতাস আমার প্রাণে বাজায় বাঁশি।

## দুরন্ত ছপুত্র

## নরেশ গুহ

এই ছুঁ হাওয়া নিয়ে কত আর পারি ?  
সামান্য গল্পের বই, সেও যেন বহুস্তর শাড়ি,  
পিঠ ঢাকা এলো চুল, ভয় ঢাকা কার বুক ঘিরে  
শান্ত হয়ে শুয়ে আছে! কপট ছলনা নিয়ে ফিরে  
তাই তার বার-বার আসা চাই : থেকে তাকে-তাকে  
পাতা এলোমেলো করে কখন পালাবে এক ফাঁকে ।  
কিছুই হয়নি যেন ! তার যেন মন প'ড়ে আছে  
সাত-বাসি খবরের কাগজের নত কীর নাচে  
মলিন গলির রোদে । ঘুরে-ঘুরে পাড়ায়-পাড়ায়  
হঠাৎ কখন এসে কপাটের আড়ালে দাঁড়ায়,  
নরম আঙুলে নাড়ে ঘামেভেজা কপালের চুল ।  
অব্ব মনকে বলি : এখনো বোঝানি তুমি জুল ?  
সিঁড়িতে নরম চটি, বারান্দার কার ঠাণ্ডা স্বর  
কেন মিথো শোনো তুমি ?

তবু ঘুরি এ-ঘর ও-ঘর ;

ছাদের সিঁড়িতে থামি, নেমে এসে ঢকঢক খাই  
কোণের কুঁজোর জল । অসতর্ক অভ্যাসে দাঁড়াই  
বিবর্ণ আয়নার পাশে ।—কী তন্ময় সিন্ধু চোখে চায়  
শূন্য ঘরে শঙ্খশাদা এ-কঠিন দেয়ালের গায়ে  
যামিনী রায়ের ছবি : এ-জীবনে যা আছে জানার,  
যত শোক যত স্নেহ, কান্নার করাতে যত ধার ;  
যে-যে ঘাসে যে-যে রং, হৃদয়ের যতট। উষ্ণতা  
জানা চাই সব জেনে, পরম নিব্বাক শেষ কথা  
উচ্চারণ করে তার তৃপ্ত চোখ—‘শান্ত হও মন !’

—আমি ভাবি জীবনের এ-ইক্ষুলে বাজাবে কখন  
শেষ ঘণ্টা ? কেবে আমি শেষ লেখা লিখে দিয়ে রেটে  
সন্ধ্যাতারা গুনে-গুনে নদীর পাড়ির পথ হেঁটে  
বাড়ি যাবে ? ব'সে-ব'সে হাই ওঠে, ঘুমে চোখ ভরে ।  
ছপুত্রের দুরন্ত হাওয়া : মনে পড়ে, কাকে মনে পড়ে ?

## হাওয়ার হাঁস

## নরেশ গুহ

তোমাকে আমি কী ননী দেব, কী সর ?  
দাঁঘির ধারে বনের আড়ে  
শ্রামল শিশু যে-গাছ বাড়ে  
তোমায় দেব তার উন্নত  
লাল পলাশের কেশর ।

যে-হাওয়া নাড়ে পাতারে তার  
চেউয়ের করে সাপের সঁতার  
শিশির কাড়ে যে-হাওয়া তার ফুলে,  
উড়াল পাখির ঝাঁকে মিশে  
বিদেশ বেড়ায়, গমের শীবে  
শীত বরায় মেঘের চাঁদর খুলে :  
পূব পাহাড়ে কাঠের ঘরে  
সরাল হাঁসের বালির চরে  
হাওয়ার সে-চর পাঠাবে শত শত,  
আকাশতলে যা-কিছু ধরে  
ঘাসের ঘরে তারার ঘরে

আনবে খুঁজে তোমার মনোমতো।  
 দিন জুড়াবে কিং'বির গানে  
 হাওয়ার হাঁস ঘরের টানে  
 খবর ঠোটে ফিরবে ঝাঁকে-ঝাঁকে,  
 তখন মারের কোলে ঘুমোয়  
 ক্রান্ত শিশু শান্ত চুমোয় :  
 নীল কুয়াশা বেড়ায় গাছের কাঁকে।

বসন্তের শেষ

মৃগালকান্তি

১

পিঙ্গল ধূসর আলো দীর্ঘশ্বাস-কটকিত দিন।  
 একে-একে ঝ'রে গেছে বসন্তের পালক রত্নিন।  
 পিপাসিত পুষ্পবীথি, তাম্রবর্ণ বৈশাখের বন।  
 উড়ে যায় অবিশ্রান্ত সময়ের পাখি উদাসীন!  
 অলক্ষিতে স্বপ্নের প্রহর শেষ সহসা কখন ;  
 জীবন রয়েছে শুধু, অষ্টলগ্ন জীবনের বেলা!  
 ধু-ধু শূন্য সময়ের মরুভূমি, স্তব্ধ ব'সে আজি—  
 বিষণ্ণ মনের রৌদ্রে ঘোরে রান্না স্মৃতির মৌমাছি।

২

এইখানে কী গভীর স্তব্ধ কালো রাত,  
 দিগন্তবিদীর্ঘ ধু-ধু বিস্মৃতি অপার।  
 মেঘের ঘুমন্ত দেশে তুমি যেন চাঁদ,  
 তোমার হৃদয়ে নীল আকাশ-বিহার।

বোধেছ অনেক দূর স্বপ্নলোকে বাসা,  
 নির্জন বাতাসে কাঁদে আমার পিপাসা।  
 হৃদয়শাখায় বরের নীতের প্রহার,  
 এই ছায়া পাতা ফুল পথের ধূলার!

কতোকাল

প্রমোদ মুখোপাধ্যায়

কতোকাল হ'লো, এখানে তো তুমি আসো না ;  
 এলোমেলা ঘরে ছড়ানো মনের অগোছালো আশা-বাসনা!  
 তুমি বলেছিলে শেষে সব স'য়ে যাবে  
 তোমার ছুঁথ বৃকে তুলে নিতে ছুঁহাত বাড়াবে কাল,  
 হাসবে সকাল শিশুর মতন তোমার জানালা ধ'রে  
 সব ক্ষতি মুছে সোনারোদ দেবে  
 তোমার উঠোন ভ'রে।

খেয়া পার হবে ছুঁথ আমার  
 নীতের শিশির বিঁধবে বৃকের হাড়ে  
 আকাশ চাবে ন' নীলচোখে  
 কোন বজ্র হানবে দৈব,  
 বৃকে হাত চেপে সইবো সে, ভালোবাসা!

এই ছড়া বেঁধে বোঝাতে চেয়েছি মন সে-তো নয় ফেলনা,  
 হাট ঘুরে তোরে এনে তো দিয়েছি আধ্যাত্মিক খেলনা ;  
 বস্ত্রদূরে থাক মনে-মনে সে-তো  
 মনেরি মতন রইবে,

মাটির দেয়ালে হানা দেয় আজ  
তবু কোন ছুঁদেঁব!

উত্তর হাতে হাওয়া দেয় আর দক্ষিণ তোলে খিল,  
আনন্দ আকাশে ছলছল করে সুগনয়নের ছলনা—  
কে তারে বাঁধলো বলে!

শ্রহর এখানে ধূসর, কেবল সবুজ মাঠের ছায়া  
এখানে ছড়ায় গৃহস্থালির মায়া;

ধুলো ঝেড়ে মুছে পাতো সংসার, কেউ করে। বরকর।।  
হায় রে অবুঝ কচা,  
কতো কাল হ'লো, এখানে তো তুমি আসো না  
নির্জন ঘরে ছড়ায় মনের  
অগোছালো আশা-বাসনা।

অব্যক্ত

প্রবোধচন্দ্র পাল

তোমারে পেয়েছি আমি।

এই আবির্ভাবে

আমারে বিহ্বল করে বাণীর অভাব।

পারি না, পারি না।

তোমারে জানাতে অভির্থন।

পরিশ্ফুট ব্যঞ্জনায়া।

ক্রুদ্ধ স্বর,

অভিভূত আমার আকৃতি।

এই ক্রটি

যদি পারো, প্রিয়তমা,

ক্ষমা করো।

শুধু ক্ষমা?

আরো। হানো তুমি, এই অস্থুরাল

তুমিই ঘুচিয়ে দিয়ে দূর করো জড়তার কঠিন জঞ্জাল।

আশঙ্কায় দোলে মন, তবু আশা আছে।

প্রিয়, এই অন্ধকারে দৃষ্টির ছুরারে

তোমার নিঃশব্দ পদপাত

উন্মুক্ত স্বর্গের প্রান্তে বার-বার ডাক দিয়ে যায়।

সে-স্বর্গ ক্ষণিক। যে-আঘাত

ব্যক্তির সীমানা ভেঙে সুখছুঁখে অতিক্রম ক'রে

আশ্চর্য নূতন বাঁকে জীবনের দেয় সার্থকতা,

কবিতায় দৌণ্ড হয় দৈনিক তুচ্ছতা

সে-আঘাত হানো।

এই নীরবতা

অসহ আমার। কথা বলে,

তুমি কথা বলে—আমারে বলাও।

তোমারে এখনো

পেয়েও পাইনি, এই বন্ধনার পুঞ্জিত মূঢ়তা

দূর হ'য়ে দেখা দিক বাণীর পূর্ণতা।

## পাঠ্যেয়

শশা ঘোষ

এমনো যে দিন ছিলো না তা নয়  
যখন তোমার চলনে  
কতই ঝরেছে ঐতিহাসিক ছলনা।  
এমনো সময় ছিলো না তা নয়  
যখন তোমার গর্ভ  
ভেবেই পাইনি কয়টা বিশ্বে ধরবে।  
জানি না এখনো সেই সব খেলা  
তেমনি করো কি করো না,  
যত ব'সে ভাবি, শুধু মনে পড়ে  
তোমার চোখের কক্ষণ।

## 'কবিতা'র জন্ম

মণীন্দ্র রায়

বৃদ্ধদেববাবু ছিলেন কলেজ-দিনে শিক্ষক  
বারো বছর আগে ; কাব্য লিখছি সেই ইস্তক।  
বৃড়ে নই যে স্মৃতিকথায় টানব মিষ্টি আমজ ;  
বড় কবি নই, লেখনে আনব চারিত্র্য তেজ !  
তবু যখন জানিয়ে দিল সম্পাদকের টীকা  
এই বছরেই উঠে যাবে 'কবিতা' পত্রিকা,—  
কী খারাপ যে লাগল, আহা, এ প্রিয়-বিচ্ছেদ,  
চাপতে গিয়েও বেরিয়ে এল পুঞ্জীভূত খেদ !  
জানি বটে রবীন্দ্রনাথ পঞ্চদশীর নামে  
গান লিখেছেন, ('কবিতা' তাই ঐ অঙ্কেই থামে ?)  
ও সংখ্যাটা চাঁদের পক্ষে বোলো কলার সান্দী,  
প্রতিষ্ঠানের বেলায় সেটা অলক্ষ্যে বাক্যি !

ইতিহাসকে চিনি এবং কালের নিয়ম জানি ;  
প্রয়োজনের শেষমোড়ে তার থাকবেই হাতছানি।  
সাহিত্যেরও দায়িত্বে যে স্থায়িত্ব নেই, সত্য—  
যদি না তার কালের সঙ্গে ঘটে একমত্য।

'কবিতা'র কি এল সে-খন বনবাসে যাবার,  
বাংলাদেশে এ-আন্দোলন দিন করেছে কাবার ?  
স্বকালচেতন নয় কি-না সে জানি অগ্র তর্ক,  
মানব না কো নেই 'কবিতা'র ইতিহে সম্পর্ক।  
আজও দেখি অনেক লেখক মত্ত করে কাব্য  
'কবিতা'তেই, বছর মাসে রয়েছে সম্ভাব্য  
নতুন কবি, (প্রতিভার তো আকাল ! লেখে ক-জন !  
এ-গোপ্তী যা লেখেন, ও-দল করেন সবই বর্জন !)  
মতামতের দলাদলি, কানাগলির চক্ষে  
সানন্দে ডাক দিই 'কবিতা'র নতুন লেখকবর্গে।  
সত্য হোক বা মিথ্যা হোক, সার্থক কি রুখা,  
বাংলাদেশে বেঁচে থাকুক কাব্য আর 'কবিতা' !

নিজের অভীত দিনের স্মৃতি—সেই 'কবিতাভবন',  
আজকে বাঁরা মহৎ, তাঁদের আলাপী গুঞ্জন,  
কত কবির লেখায়-লেখায় মুস্থ প্রতিযোগিতা—  
মনের মধ্যে ঘুরে বেড়ায় পুরোনো সেই 'কবিতা' !

বৃদ্ধদেববাবু, আপনি পঞ্চদশের শেষে  
নিজের হাতের সৃষ্টি কি আজ দেবেন নিরুদ্ধেশে ?  
'প্রাপ্তে তু বোড়শে' পুত্র জানেন তো হয় মিত্র !  
চোখের সামনে রাখুন একে সেই আগামীর চিত্র ॥

## AN INDIAN DAY

Noel Scott

I watched a bullock sway  
Away from the sun-stained day  
Towards the night,  
And saw the tight, the bright  
Quivering dry size of its thighs  
Fade in the dust of a road in India.

I watched a leper squat,  
Rot by the very spot  
Where the beast  
Had laid like a priest its feast  
Before the adoring eyes of the flies  
Riding the dust of a road in India.

I watched a woman cry,  
Lie in the gutter and die,  
Her moans,  
Thin like the stones of her bones,  
Drift to the rusted rise of the skies  
High above the dust of a road in India.

Such was the common day.  
Say it is far away—  
Yes;  
But not the less confess  
That hot in the dust of a road in India  
A terrible prize, a destiny, lies.

## সমালোচনা

বন্দে মাতরম, নিশিকান্ত। ক্রীঅরবিন্দ আশ্রম, ৩

নাম শুনে বা মনে হয় তা নয়; ভারতমুক্তির উপলক্ষে দেশমাতৃকার বন্দনা নয়। পাতা উন্টিয়ে যা মনে হয় তাও নয়, দুর্গা, কাপী কিংবা অজ্ঞ কোনো কাল্পনিক দেবীর স্তবধান নয়। পশ্চিমবঙ্গের আশ্রমবাসী এবং ভক্তমণ্ডলী থাকে 'ক্রীমা' বলে থাকেন, বইটি একান্তরূপে তাঁরই বন্দনা। এ-তথ্য বাইরে থেকে জানতে হয় না, কবিতাতেই তা বলা আছে।

মতিয়া জীবনে ভব যোথা তুমি জগতের যোগীন্দ্রসঙ্গিনী।  
জগন্মাতা শিব-সৌমত্বিনী!

তব অভ্যাস-দেশে কে তোমারে বলে বিবেশিনী? (পৃঃ ৩)

'বিবেশিনী' শুনে অজ্ঞ পাঠকের হরতো ধাঁধা লাগবে, কিন্তু তিনি যদি ধৈর্য ধরে পড়ে যেতে পারেন তাহলেই পরিষ্কার সব বুঝবেন।

এবার পূজায় ছিড়ুজার রূপে ভবানী দশভুজার  
দেখি দক্ষিণ-ভারত-সিদ্ধপারে:  
দেবী ভগবতী মানবীভুঙ্গুর রথে  
বহে যোগ-বলে পাখিবতার পথে  
মর-দুর্গতি-বিনাশের অভিশান,  
যোগেশ্বরীর অবিচল সাধী অবতার-ভগবান  
যোগীন্দ্র-অরবিন্দে মূর্তিমান! (১৯ পৃঃ)

এর পর আর কোনো সংশয় থাকে না।

এ ক্ষেত্রে শুধু ভক্তদের মধ্যে বিস্তরণের জ্ঞান বেরোলেই এই গ্রন্থপ্রকাশ মার্গক হ'তো। কিন্তু না, বইটির লক্ষ্য পাঠকসাধারণ, তিন টাকা মূল্যও ধার্য করা আছে। তাহলে মনে করা যেতে পারে যে গোষ্ঠীগত বক্তব্য বাদ দিয়ে রচনারই কিছু মূল্য আছে—বিশেষত কবি যখন নিশিকান্তর মতো একদা-শিল্পনিপুণ 'দিগন্তরেখা দ্বিখণ্ড করি' দাঁড়িয়েছে ভালভক্ত'-র মতো কোনো ছবি, বিড়ালের চোখে 'তিমিরদীর্ঘ স্বর্ষহীরক'-র মতো কোনো বিখ্যায়—অন্তত কোনো পংক্তিপ্রসাধনের নৈপুণ্য? একেবারে কিছুই পাবো না তা কি হ'তে পারে?

কিন্তু কিছুই পেলাম না। অনেক-পাতা-জোড়া লম্বা কবিতা, তার কোনো-কোনোটি সংস্কৃত ছন্দে গুরুগম্ভীর, মোটা-মোটা কথায় আর প্রকট অহুপ্রাসে সম্বন্ধবিহীন সেই সঙ্গে গানের আকারে ছোটো কিছু রচনা, কিন্তু সমস্তটাই বাগাড়ম্বর, শুধু উচ্চ সুন্দর, বস্তু কিছু নেই।

এস মা দুর্গা এস দুর্গত জগতের গতি নাশিনী,  
এস অখিলের তমোগম্বরশর্বরী-উজ্জাসিনী,  
এস স্তবর্ণা  
দেবী অপর্ণা,  
স্বর্ণ-তপন-হাসিনী! (১৬ পৃঃ)

মম মলিনমানসলীন মৃগয়তা মাঝে  
সুদূর-তারা-পারাবারের যুগল-মণি রাজে,  
কত কালের স্মৃতি টুটি' চেতন গুঁথে জাগি'  
দীপ্ত পরশনে। (৩৪ পৃঃ)

বেছে-বেছে অপেক্ষাকৃত সহনীয় দুটি অংশ উদ্ধার করলাম। প্রথমটির বিষয়ে কিছু না-বলাই ভালো, দ্বিতীয়টির শেষ দু-লাইন রবীন্দ্রনাথের স্মৃতিবহ বলেই স্মরণীয়।

ওরে আয়রে, তোরা আয়,  
তোরা আয় আয় আয়,  
মায়ের সোনার ফসল ফলার বেলা যায় যে বয়ে যায়।  
(২০ পৃঃ)

'পৌষ ভোদের ডাক দিয়েছে'র পর এও লেখার প্রয়োজন ছিলো না। ভূমিকায় প্রকাশক জানিয়েছেন যে 'শ্রীঅরবিন্দ'র দ্বিতীয় স্পর্শে' শিশিকান্তর কাব্য বস্তুমানে 'অপরূপ রূপ' নিয়েছে। 'অপরূপ' কথাটা হয়তো ভেবে-চিন্তেই বসানো হয়েছে, হয়তো তার অর্থ এই যে এই কাব্যের নিগূঢ় আধ্যাত্মিক মনে পৌঁছতে না-পারলে পাঠক যেন নিজের অক্ষমতাকেই সে-জন্ম দায়ী করেন। আধ্যাত্মিকতার কারণে মনোপোলি আছে কিনা জানি না, কিন্তু এটা জানি যে কাব্যের আবেদন তার নিজস্ব, যার ফলে 'নাশ্তিকও 'গীতাঞ্জলি' পড়ে অভিভূত হয়েছেন, এবং ই.এস.এর উত্তর-কবিতা ভালোবাসতে হলে সেই সঙ্গে অলৌকিক তত্ত্বও বিধাসী হতে হয় না। আলোচ্য গ্রন্থে শিশিকান্তর কবিকর্মে যদি কোথাও গুণভেদ পেতাম, তাহ'লে এক্ষেত্রেও তা-ই

হ'তো; যারা শ্রীঅরবিন্দকে অবতার বলে মানে না, কিংবা অবতারবাদই মানে না, কাব্যের কারণেই একে তারা মূল্য দিতেন। কবিদের এই মৌহিনী শক্তি শিশিকান্ত 'অলকানন্দ' পর্যন্ত কোনো-কোনো জীয়ে রেখেছিলেন, কিন্তু—গভীর দুঃখ নিয়েই বলছি—এখানে তা একেবারে অহুপস্থিত। হয়তো কোনো-এক বহুত্নে মিলেই তা বৃথতে পেরে তিনি একটি 'পরিচয়'-গ্রন্থে লিখেছেন:

আমাদের করিয়ো ক্ষমা, হে পাঠক, হে সমালোচক!  
তোমাদের ভরে আমি আমি নাই শ্রবণ-রোচক  
স্বরের স্বংকারধারা, স্বরবৃত্ত, মাত্রাবৃত্ত আর  
অক্ষরবৃত্তের ছন্দে গ্রন্থিবাধা শৃঙ্খলাসংকার।

এই স্তবকটিই একটু বদলে লিখলে গ্রন্থের পরিচয় ঠিক যথার্থ হ'তো পারে:

আমাদের করিয়ো ক্ষমা, হে পাঠক, হে সমালোচক!  
তোমাদের ভরে শুধু আনিয়াছি শ্রবণ-রোচক  
ছন্দের স্বংকারধারা, ব্রহ্ম দীর্ঘ স্বরমালা, আর  
অসংবৃত্ত অহুপ্রাসে গ্রন্থিবাধা শৃঙ্খলাসংকার।

কোনো মতবাদের পৈতে নিলে শক্তিশালী কবিরও অধঃপতন ঘটে থাকে এ-কথা ঝাঁরা প্রমাণ করতে-চান, তাঁদের পক্ষে 'বন্দে মাতরম' পরম উপযোগী উদাহরণ। তবে হয়তো অল্প অনেকের মতো শিশিকান্তর পতন এমনিও হ'তো, স্বভাবতই পূঁজি কুরাতো, কিন্তু 'দ্বিতীয় স্পর্শের' প্রভাব উটেটাই তো উচিত ছিলো?

রবীন্দ্র-সংগীত : শান্তিন্দেব ঘোষ। ৪।  
স্বরবিভাজন : ৬, ৭, ৮, ৯। প্রত্যেকটি ২৪।  
নৃত্য : প্রতিমা দেবী। ৩।

} বিখ্যাতরতী

সাময়িক পত্রাদিতে বিদ্বিহ্ন আলোচনা ১৯৪১-এর পর থেকে অনেক হয়েছে, কিন্তু এ-বিষয়ে গ্রন্থে এখনো 'রবীন্দ্র-সংগীত' একমাত্র। সাত বছর আগে প্রথম বেরিয়েছিলো, নতুন সংস্করণে গ্রন্থের পরিধি আরো ব্যাপক, আকার প্রায় দ্বিগুণ। লেখক শুধু গানের আলোচনাতেই সীমিত হননি, নৃত্য এবং নাটকের বিষয়েও বলেছেন, তার উপর তাঁর স্বভিকধার পুঁজিও বড়ো কম না—এই সব বহুবিধ কারণেই এ-বই মূল্যবান। পরিশেষে নির্দেশিকা বা ইন্ডেক্স দেওয়া হয়েছে প্রায় ২৩০-এর; ও-বস্তুটির অভাবে বাংলা বইয়ের যথাযথ ব্যবহারে প্রায়ই বিঘ্ন ঘটে থাকে।

‘স্বরবিতানের’র খণ্ড ক-টিতে ‘বসন্ত’, ‘ফাল্গুনী’, ‘প্রায়শ্চিত্ত’, এই তিনটি নাটকের সমগ্র স্বরলিপি প্রকাশিত বা পুনর্মুদ্রিত হ’লো, ১৩২৯-এ নজরুল ইসলামকে উৎসর্গ-করা ‘বসন্তের’ পুরো পুঁথিটাই ছাপানো আছে। অষ্টম খণ্ডের উপাদান তিরিশটি ব্রহ্মসংগীত—রবীন্দ্রনাথের দ্ববলম্ব রচনা। ‘সকাতরে ঐ কাঁদিলে সকলে/শোনা শোনা পিছা/কহে কানে কানে শুনাও প্রাণে প্রাণে/মঙ্গল-বারতা’ কিংবা ‘গলাগারেতে চারিধার করিয়াছে অন্ধকার,/নয়নে তোমার জ্যোতি অধিক ফুটেছে তাই’ রবীন্দ্রনাথ কেমন করে যে-কোনো বয়সে লিখতে পেরেছিলেন আমরা তা ভেবে পাই না। ব্রহ্মসংগীতের প্রস্তাংশ বোধহয় চারের খণ্ডেই গৃহীত হ’য়ে গেছে, অবশ্য ‘ঋগার রজনী পোহালো’ এ-খণ্ডেরই অন্তর্গত। স্বরলিপি করেছেন নানা সময়ে নানা জন; ‘বসন্ত’ পুরোটা দিনেন্দ্রনাথের, আটের খণ্ড ইন্দিরা দেবীচৌধুরাণীর, অত্যাচারের মধ্যে শৈলজারঞ্জন, অনাদিকুমাৰ আছেন। স্টার থিয়েটারে একলাদেশ-ভাষানো। ‘তোমায় নতুন করে পাবে ব’লেই হারাই ক্ষণে ক্ষণ’-এর স্বরলিপি শ্রীমতী সাহানা দেবীর রেকর্ড অবলম্বনে রচিত।

রবীন্দ্রনাথের নৃত্যনাট্যের বিষয়লোকে এখনো খুব আনাগোনা শুরু হয়নি। ‘নৃত্য’ এ-বিষয়ে প্রথম বই। বিস্তারিত আলোচনা নয়, কঠোরভাবে টেকনিক্যালও বলা যায় না, স্বতীকথাও অনিবার্ণই এসেছে। বইটি তাই সহজেই উপভোগ্য। কিন্তু ‘শ্রামা’র কোনো উল্লেখ নেই ব’লে অসম্পূর্ণ লাগলে। ত্রয়ো নৃত্যনাট্যের মধ্যে সর্বাঙ্গীণ বিচারে কেউ করো কাছে হারে না, কিন্তু কোনো-কোনো দিক থেকে ‘শ্রামা’র অনগ্রতা সুস্পষ্ট। ‘শ্রামা’র বিষয়ের পারিভাষ্য পরম, তাই তো নায়িকার ঐ নাম। ভারতীয় ঐতিহ্যে ট্যাঙ্কেট নেই, রবীন্দ্রনাথের কবিত্বভাবেও তা ছিলো না, ট্যাঙ্কিক উপপ্লব এবং চিত্তশুদ্ধির আদায় যদি তিনি কোথাও দিয়ে থাকেন, সম্ভবত—‘আঙ্গিনী’ বাদ দিয়ে—তা শুধু এখানেই। আশা করি ভবিষ্যতে কোনো সুযোগে প্রতিমা দেবী ‘শ্রামা’ নিয়েও আলোচনা করবেন।

রবীন্দ্রনাথের আঁকা নাচের ভঙ্গির কয়েকটি ছবি ‘নৃত্য’র অন্ততর আকর্ষণ। মনোরম বহিরবয়ব, উপহারের উপযোগী।

বু. ব.

দিগন্ত, ত্রিমালাকান্তি। ২য় সং, কবিতাভবন। >>>

শ্রীযুক্ত দুর্গালকান্তি দাসের এই কাব্যগ্রন্থটি ১৩৫১ সালে প্রথম যখন বেরোয়, তখন ‘কবিতা’র এর সমালোচনা হয়েছিলো। নতুন সংস্করণ পরিবর্তিত, সুদৃষ্ট, এখনকার অঙ্গে দামেও শস্ত। কবিতাগুলি মধুর বিষয়

সুরে একতারার বাজনার মতো, এই রুক্মতার যুগে বিশেষভাবে তৃপ্তিকর। কিন্তু কবি হঠাৎ পদবীর্জন করলেন ?

পাত্র

‘VERNACULAR’

‘কবিতা’ সম্পাদক সমীপেশু,  
শবিনয় নিবেদন,

যখন দেখি মাতৃভাষা নিয়ে ঠৈ-ঠৈয়ের অন্ত নেই, অথচ তার নামকরণে পুরোনো আমলের অপমান থেকেই গেলো, তখন ‘কবিতা’র দ্বারস্থ হওয়া ছাড়া উপায় থাকে না।

কলকাতা বিশ্ববিদ্যালয়ের পরিভাষায় এখনো মাতৃভাষার নাম Vernacular। এই ইংরেজি কথাটার গ্রামিকর ভারতীয় ইতিহাস সকলেই জানেন, তার উৎপত্তির কলঙ্ককথাও সকলেই জানেন। সংস্কৃত ‘বর্ণ’ শব্দের আঙ্গীয় ল্যাটিন verna থেকে এর উদ্ভব। Verna=দাস (home-born slave), vernacular =দাসভাষা, বিজিত জাতির ভাষার অর্থে রোমকসমাজে ওর ব্যবহার হ’তো।

আজকাল সকলেই দেখছি বাংলা ভাষার ভালোবাসায় উচ্ছল। আমাদের সরকার, বিশ্ববিদ্যালয়, নেতারা—সকলেরই শিরঃপীড়া তাকে নিয়ে। পরিভাষা উদ্ভাবন, বানান বর্নমালায় সংস্কার, মুদ্রণ আর টাইপরাইটারের উন্নতি—সবই নাকি জরুরি সরকার। পরীক্ষার খাতাতেও পাণ্ডক্তয় হ’লো, এদিকে রেডিওতে ঘন-ঘন ‘আ মরি বাংলা ভাষার’ উচ্ছ্বাস। তবে কি শক্তি আমাদের কপাল ফিরলো এতদিনে ?

না! কলকাতা বিশ্ববিদ্যালয়ের মতে বাংলা ব’লে কোনো ভাষাই তো নেই, ওটা একটা vernacular, ব’ব্বের বোল। তুচ্ছ একটা দাসভাষা নিয়ে এত কিসের মাথাব্যথা। আরো আশ্চর্য এই যে কথাটার ব্যবহার সারা দেশে এখন আশ-কোথাও নেই, শব্দমণ্ডেট মা, কোনো প্রতিষ্ঠানে না, কোনো সংবাদপত্রে না, আছে শুধু কলকাতার বিশ্ববিদ্যালয়ে। ভারতের অজাঞ্জ বিশ্ববিদ্যালয়, যেমন পাটনায় বা যুক্তপ্রদেশে, তাঁরাও ‘হিন্দী’ বা ‘আধুনিক ভারতীয় ভাষা’ ব্যবহার করছেন। শুধু এই নিককতুলীন কলকাতা বিশ্ববিদ্যালয়ের কপালেই Vernacular-এর পরভিলক আজও বিরাজমান।

পণ্ডিত নেহরু তাঁর আত্মজীবনীতে এ-বিষয়ে বেশ কড়া ক’রেই বলেছিলেন (P. 452, Ed. 1937) : সম্ভ্রতি—হয়তো তাঁরই প্রভাবে—কত কটনুগু কথার উচ্ছ্র হ’লো, Asiatic-এর বদলে Asian পেশাম, কুলির বদলে মজদুর। শুধু কি কলেজ ষ্কারাই কালো হয়ে থাকবে? অন্তত ছাত্রছাত্রীদের তো আত্মসম্মান আছে! ইতি

নিরুপম চট্টোপাধ্যায়



THE WISDOM OF AN ANCIENT SAGE  
RENDERED BY A MODERN MASTER

# CONFUCIUS

*The Unwobbling Pivot & The Great Digest*  
translated with notes & commentary by

**EZRA POUND**

Handsome Indian Edition : Rs. 2/8/-

Published for  
KAVYABHAVAN  
by  
QUEEN LOCOMANS LTD.

17, Chittaranjan Avenue Calcutta 13  
Nicol Road, Ballard Estate, Bombay  
36A, Mount Road, Madras.  
Also available at Kavyabhavan.

QUARTERLY **NINE** TWO SHILLINGS

The Spring number is devoted to  
**CONTEMPORARY VERSE**

Contributors include Ezra Pound, H. D., Marianne Moore, Richard Eberhart, Kathleen Raine, Charles Mudge, Ronald Botsall, Basil Bunting, H. G. Pontus, David Gascoyne, Kathleen Nott, Bos. George Every, S.S.M., G. H. Sison, Ronald Duncan, G. S. Fraser, John Heath-Stubbs, Sidney Goodwin Smith, Kenneth Gee, Howard Griffin, Michael Hamburger, Maurice Carpenter and others. Also articles on the poetry of Roy Campbell & Stephen Spender.

Edited and published by

PETER RUSSELL, 114 Queens Gate, London, S.W. 7  
Annual Subscription : U.K./B (post free) : U.S. \$2 (post free)

## ছোটোগম্প গ্রন্থমালা

পৌষ ১৩৫১-এ প্রথম প্রকাশিত হয়। প্রথম তেরোটি সংখ্যা নিম্নোক্ত।

১৪. স্বভাবীর স্বপ্ন মেগ-যুক্তি	}	পূর্বদশী দেবী
১৫. রেল-লাইন		কামাক্সী-প্রমাদ চট্টোপাধ্যায়
১৬. মনোমতী ময়ূর	}	কমলসুন্দরী দেবী
১৭-১৮. একটি সকাল 'ও একটি সন্ধ্যা		দেবীশর্মা ভট্টাচার্য
১৯. মানিক্তী নতুন লেখক	}	বুদ্ধদেব বসু
২০. হাস্য মথী		শুধীশ রায়চৌধুরী
২১. মহাজাগান		আর্য্যপাশ্চর্য্য রায়
২২. যুযুক্ষা		কমলাকান্ত
২৩. যুক্তি		বিশ্ব বন্দ্যোপাধ্যায়
২৪. উমিলা		কল্যাণী মুখোপাধ্যায়
২৫. পাহাড়ের জাতির কথা		পুষ্প বসু
২৬. পুনরুত্থান		রামশেখর বসু
২৭. অশ্লীলতা		সুদীর্ঘম মুখোপাধ্যায়
২৮. আলো, আরো আলো		প্রতিভা বসু
২৯. একটি কি ছুটি পাখি		মমতী বৈদ্যট্টেয় আয়কার
৩০. ভগতারণনবসু মেয়েরা	}	বুদ্ধদেব বসু
৩১-৩২. 'পাটির পরে ৩৩. বেগমমী বসু		
৩৪-৩৬. 'ভগতারণনম'		ক্যাথারিন ম্যাকফীল্ড
		বিশ্ব বন্দ্যোপাধ্যায়
		নরেশ গুহ

'একটি সকাল 'ও একটি সন্ধ্যা', 'পাটির পরে'

'ভগতারণনম' প্রত্যেকটি আট আনা।

আজ্ঞাত সংখ্যা পাঁচ আনা করে। সবগুলি সংখ্যা একসাথে পাঁচ টাকা।

এই গ্রন্থমালা সম্পাদনা করেছেন প্রতিভা বসু।

প্রকাশিতকাল : ২০২ রাণবিহারী এডিনিট, কলকাতা ২৯

# **KAVITA**

**(Poetry)**

**CALCUTTA**

**Vol. 15, No. 2, Serial No. 64**

**MARCH, 1950**

Editor: Buddhadeva Bose. Published quarterly by  
Kavitabhavan, 202 Rashbehari Avenue, Calcutta 29,  
India. Subscription : 6s. 6d. or S I. 50 a year, post free.